

笏

庵

詩

吳氏一家稿

笏庵詩
目錄

古今體

卷一

七十二首

卷二

八十二首

卷三

七十六首

卷四

八十三首

卷五

五十六首

卷六

七十首

卷七

八十三首

卷八

六十六首

卷九

六十一首

卷十

六十九首

卷十一

六十四首

卷十二

五十四首

卷十三

五十三首

卷十四

五十二首

卷十五

四十八首

卷十六

五十二首

卷十七

六十七首

卷十八

三十七首

卷十九

八十八首

卷二十

八十三首

試帖

一卷

八十首

吳氏一家稿

笏庵詩一

錢塘 吳清鵬

甲申

屯田行

征塵蔽原日馬鳴車郎當送者至燕郊行人俱束裝問
之隸旗籍今將赴邊疆百年重安土遷徙亦非常回頭
望都邑行色轉淒惶吾觀 朝廷意爲汝謀久長又念
道路苦助汝充橐囊雙城雖云遠土沃宜稻梁將軍况
慈賢撫養甚周詳已令具稼器卽與營田房井地各著
界廬舍互相望身旣免役隸官又無輸將犁鋤庶習勤

四體得自強歲晚足狐兔獵射亦有場一年成村聚三年實邊防去去保家室慎勿憂疑傷

簷下二小樹

簷下二小樹初生如嬰拳今來已數月離立齊我肩汝出不得地敢辭斬伐先生小姑聽之不忍戕其天晨窗苦媚我綠影風翩翩雖無干雲姿生意實可憐嗟我本流寓豈汝久周旋後來不汝容主持亦難全念當別汝去感汝不能遷有情且命筆誰能保百年

建威將軍李忠毅公

長庚

挽詞十二韻

百粵閩江外諸羅浙海邊幾年繁寇賊一將引才賢橫

海威聲遠防秋智畧全月中窺島寨霧裏下樓船破膽
驚山鬼游魂笑水仙如神機莫測一鼓氣無前白犬追
洋入青龍戰港還白犬洋青龍港皆忠毅與蔡逆拒戰處人心方屬切天
意竟何元麟颶吹陰火海中有暴風曰麟颶風中有火蛟渦湧毒涎
跼鷲驚一墜葬腹卽千年雄畧時難得妖氛勢尙延精
靈知不昧遺恨總須填

崇效寺牡丹

雜花已盡春欲辭閉門幾日愁客思尙聞崇效牡丹好
寺外已動游輪馳入門士女正紛集我亦走看步繞之
細思却復有可歎此花自是國色姿姚黃本出民家種

會土君王白玉墀洛陽當時一物色何異環燕身經起
自微至今不合更流落寂寞寄此僧房依法雨慈雲護
不得游蜂野蝶來干欺我欲喚起霓裳羽衣舞報以玉
珮瓊琚詞眼前無人與解道書生狂態徒爾爲明朝獨
游定須早寺僧爲約露未晞

寄武蝶生

荏莊

拘墟不出井底蛙局曲自守轅下馬男兒墮地各有事
丈夫戀家胡爲者武子一生心志高十五腰間秋水刀
元龍豪氣壓湖海太白大笑辭蓬蒿當時萬事輕年少
不道飄零事難料冰霜歲晚困魚龍雲霧天關守虎豹

半生浪跡久無家強來三月尋煙花竹西自古寓公地
且爲玉人留征車四十未須歎流落如君豈合常寂寞

送王竹嶼

鳳生

別鷺之任玉環

別駕非吏才更鍊廿年飽論事洞識務爲政近知道亦
習名家言曾作水利考疆吏喜得君左右倚爲寶朝
廷欲大用宰相已列表終然禁資格不得一破掃竊觀
東南間民氣日凋槁聖心頗虛佇不久煩大造雁宕
暇須游龍湫近宜討且當養此才瑣細不足擾

久雨不止戲爲長歌

大麥微黃小麥青三日已足甘雨零胡爲酸然久不止

幾輪何處淹留停朝來傾瓢快一瀉但見階溜汨汨瞬
已成渠汀對屋便欲歌揚舲到晚漏放屋角幾點星如
螢旋又密灑飄窗櫺自從入夏已半月來牛去馬斷郊
垌家家魚入竈戶戶拋升廳而况傾垣壞壁聲擊霆滲
漏滿室蛟涎腥狼藉我書軸沾汗我罌瓶急持破繖偃
伶仃一身已是無乾翎吾聞劉文叔燎衣夜走蕪蘘亭
又聞唐明皇馬嵬驛前悲淋鈴書生不足當摧折何用
幽閉如拘囹黃門大夫苦欲絕杜陵野老憂不醒安得
祈霽文封上清都紫微之帝庭勅使雲母開晦暝檄召
風伯揚清冷青葛息語黑蜨潛形神馬使者各各歸爾

駢農夫隴上聞笑語樵牧四出走巖扃我脂我車展我
軀明粧如洗來看西山屏

八月十三日 經筵恭紀二十四韻

羲籙延釐日軒廷訪道年五雲扶 法駕八月展 經
筵玉宇秋澄靄銀河曙拂煙文昌承斗極華蓋近奎躔
蓬島 鑾輿迥瑯嬛禁宇仙緒風隨綵仗流水協清絃
松古香飄座莎長綠映編 清虛存目想 恭默企心
傳憶昨 堯咨切方春 禹拜先坐深花落幔語久日
移輒清切垂 明訓愚蒙沐 化甄禮行今視昔學在
聖希天 睿智超羣表 聰明澈道元萬言觀火若一

理渙冰然毫髮無遺矣 高深孰測焉 冲懷逾穆穆
清問益拳拳禮重桓榮老恩嘉張說賢鼎鹽思旨味玉
杖笞周旋侍從皆蒙寵微班亦備員宮茶浮碧乳禁果
散紅鮮賜出榮金碗擎歸豔錦韉塗歌紛跂羨士氣激
騰騫 文德今無外詞臣合有篇煌煌周雅頌簪筆愧
雕鐫

蘆花二首

西風吹汝作紛鋪老去飄零不自孤九月成團堆雪有
五更弄影入霜無楊花欲動春波曲水國如開秋稼圖
翠館珠樓那易見漁莊蟹舍滿江湖

陶然亭子淨塵紛，畧有城南水一分。
大葉戰聲疑作雨，小波蕩影欲成雲。
淒迷劍氣低窮士，潦倒琵琶感使君。
一樣江湖秋易晚，不堪搖落對斜曛。

過陸小雅

以烜

農部

一秋苦雨繁無事，起我晏朝雲破晴。
色興來得自散高門，禮數煩未便我性。
嬾陸子獨數過，每飯有餘戀。復有兩兒郎，讀書清瀉澗。
呼來與一笑，皎若玉樹粲。未去只苦留，不來常怨盼。
君意如家人，誰能別離間。坐深僮僕愁，歸遲官長嬾。
局促月過頂，蹭蹬泥没胷。會有鄰卜約，庶無夜行患。

感舊篇懷黃夫子兼簡令子士珣上舍

小鳥嬉春風威鳳傷蹉跎凡魚跋浪去神龍困坎圻循

循黃夫子道尊儒冠我讀書破萬古日月窮羲娥六合

一放眼星辰視掌螺精力盡小正夏后邀訂訛師有夏

傳世西湖詁經舍漢學萃菁莪十難輒十答辨決如懸河

瀟灑翠雲館帶草春鬢門牆動千里簷笈傾岩阿巖

巖山岳巖語落如春和腳著赤絢履腰繫黃絲紵手持

白羽扇聽講圍盤陀至今河汾門未覺董薛多亦復有

盈乏散去如崩波故人獨先子附書問如何上下四干

年此腹常皴摩師答先子語賤子無郢質斲削煩斧柯昨歲

拜牀下七十雙鬢皤泰山忽摧折痛此負手歌令子饑
驅出風波阻江沱抑鬱青雲器偃蹇白玉珂乾坤莽牢
落倚伏理則那中夜起浩歎淚下雙連梭

客病

病來多怪夢揭帳亂看人醒枕失妻子殘燈動鬼神雁
寒秋又雨雞遠夜難晨奴僕虛親愛當歸莫厭貧

病起

晨朝強梳櫛扶起似衰翁卷幔眩新日添衣憎細風殘
花疎過蜨積葉暗啼蛩不到前庭久無人灌掃同

十二月十一日

聖駕御乾清門辦事侍直恭

紀二首

乾清夜靜鬱差戔獨傍雙猊繞 御坡禁漏帶霜疎續

間宮鴉驚月去來過黃門收奏傳金鑰紫閣趨朝動玉

珂

大臣年高者得賜紫禁城騎馬

預想

九重扶輦下今朝應有感恩

多

百官陞缺多於御門日簡放

肅肅宵衣 御政勤非關閤月始居門日臨龍展開初

曉雲簇貂裘護 至尊宮衛密移仙仗下閣臣宣讀國

書緡惟應侍講三天上得與升階近

玉溫

宣本時侍衛及羣臣

皆退惟講官四人得升階

立春前夜

北地尋常苦寒冷未應冬暖太昭蘇情知明日春風有
眼見今年臘雪無滿市兒童燈鼓出誰家笑語酒盃呼
旅人不比居人樂獨對寒蟾有所吁

夜雪

春雪非冬雪爭遲一夕中過時雖失望入地尙爲功麥
隴堆深白梅林壓小紅九重應喜慰連夜報深宮

奉寄魏愛軒

元煜

制府二十四韻

時洪澤湖決口由漕帥進

兩江總督

應代昌黎望

魏公昌黎人

承家鉅鹿功聲華溢寰宇契合動

昭融風翮搏霄健霜蹄刷野空不時超等級所至揭精

忠今日看民意非常簡 聖衷淮徐拆西北吳楚接南
東并入封圻廣俱兼節制通郊原何莽莽湖勢尙洶洶
白屋潛蛟蜃青天落雁鴻奪巢爭過鳥失食仰懸蟲聞
說齎糧糗還親問鞠窮亂流支砥柱洪覆拓帡幪黃鵠
陂應復紅蓮幕又充由來收阮瑀未覺笑吳蒙憶泛金
陵月同乘北固風行厨隨竹澗飛蓋出花宮甘露曾移
席棲霞再倚篷每游勞眷眷一別惜匆匆極北依星小
維南望嶽崇龍門渺遙海雁使曠高穹白下風雲聚長
安雨雪濛何由生羽翰飛倚玉簾櫳

唐花五首

牡丹

富貴一中熱根株難自持
姚黃忽在眼歐碧若爲姿
殷七何曾見韓郎亦未知
洛陽經貶後爾豈悔當時

海棠

海棠新與寵寂寂下帷看
徹夜燒銀燭無人向玉欄
放嬌疑有妬倚醉不知寒
偷得梅花嫁東風作主難

碧桃

碧桃如靜女雪裏見新枝
淺暈自寒色淡容無冶姿
誰家金屋閤昨夜玉笙吹
青鳥無傳信山中春未知

迎春

椒葉分枝細松花借色勻玉蘭同小字金帶作前身每
憶驚兒暈相逢燕子春如何臘未送已是解迎新

水仙

碧玉抽簪直黃金覆盞歆溫泉新浴後洛浦乍來時燈
影寫幽絕琴心託靜宜只爭先一月無乃失非期

饋歲行戲同許藕船編修作

五城門開曉蹉跎紛紛四出饋歲多去來壓擔肩相摩
盤有魚豕籠有鷺百色粉養玉潔搓銀綵旛搖花鳥勝
金絲燈蹙魚龍波未知所向爲誰何君不見翰林主人
獨一箇終日作詩不救餓倚街間看雪飛大人來空屋

還倒臥

觀顧南雅

菴

先生畫梅用東坡松風亭韻二首

嬌雲夢墮南海村覺來急起追冰魂展看一幅驚絹素
着處幾點鴉墨昏須臾橫枝上几席彷彿芳信通林園
眼前陡覺明月好腕底盡放春風溫尙留疎蕊映殘雪
仍作密榦迎朝暾一時鈎勒會多法百家宗派知誰門
先生擲筆忽大笑觀者斂衽無間言乃知二顧各擅妙
同時還欲讓稱尊

二顧一爲
晴芬侍郎

我家西湖之西村梅花墓葬逋仙魂看花日暮不歸去
花氣盪入湖水昏自游長安悵塵隔美人不見思故園

如何一枝忽在眼玉顏千里來溫溫遙想此時孤山路
爛銀月上如升瞰巢居老仙幅巾出自有雪羽迎柴門
憑心造境忽起滅意欲問花花無言何當歸去醉花下
飽看玉雪飄金尊

奉寄兩廣制府阮芸臺

元先生六首

粵南舊俗漢家存銅鼓蘆笙走百村巫蠱甚於三月瘴
尙猺散若四山猿擾馴獷悍談何易洗滌淫妖令不煩
聞說詩書今戶誦文翁化蜀與同論

彭坑南去浩綿綿玳瑁西沿島輿連自昔錦帆多水賊
有時大壑失珠船月明合浦人歸市秋老黎山戍撒邊

半壁至今惟臥鎮將軍不數馬文淵

銅柱猶標漢代秋卽今邊界重炎州降王數缺黃金表
賈客空資紫巖裘門戶斷無生覲覲 國家要使識懷
柔知公不用丹砂誓臣附咸歡大邑周

海南遙接海東潯回首春風繫感深五管雲山還使節
六橋花鳥見公心皇華列館三年住大府開牙兩度臨
時向西泠堤畔過穹碑留照去思吟

吾杭水利失修完六井雙隄仗復觀夏戶不愁沉竈沒
秋田幸免踏車乾垂垂楊柳風亭遠的的荷花水殿寬
都是當年公手植不教攀折便傷殘

公浚湖於湖隄補
植桃柳數千本并

建蘇白二公祠今
祠後荷花稱盛焉

瀟灑精廬重詒經千秋漢學一燈青指迷車轍通南極

擊浪魚龍化北溟

公於西湖建詒經精舍令諸生課習其間近多顯達者

牆外春

花還旖旎門前帶草自芳馨講壇寂寞康成去何日重
來啟鍵扃

乙酉

觀煙火戲

煙火不知何自始智巧創述亦不細江都宮前吾數見
長安今見益新異割如月娥放紅蕊垂如星妃結綠珮
燿如姮女燒丹砂纍如海童堆火齊官局選煙歲月深

國上鏤霧神鬼秘 朝廷已減上元貢居民自貨揚州
利宣武城西夜半時萬人回首煙花麗寶馬翻空踏霧
來珠簾貼地圍雲闕繁華可惜不經久旋星掣電須臾
逝零落空殘花草容消磨易盡金銀氣君不見六街人
去散如潮冷月飛來落簷際

又觀煙火

東家煙火朝朝斷冷突無薪坐流涕西家煙火夜夜新
黃金如土買游戲煙火於人何厚薄萬事滿目不得意
淮南蛟螭動地驚兗冀蝗蝻塞天蔽田廬稼穡不可救
昨歲人煙太凋瘵流亡還入京師來 朝廷念此心爲

哀豈料汝曹縱行樂暴殄天物胡爲哉舍之當出粟萬石能活千人亦汝德可惜中人百金產不換翳桑一簞食吁嗟乎東家人哭西家笑鄰里坐視不相卹而况行人與乞人眼中之人異胡越夜闌煙燼火復微天陰鬼出風淒淒

送湯秋漁

慶會

孝廉還浙二首

君還有母定牽衣君到無人更下機

秋漁時喪偶

五噫辭京

何慘慘三嗟陟屺故依依雪消淮浦春波闊日落吳宮暮樹微莫到舊游忘早發片帆直送武林歸

市駿臺前指去鞭舞魚燈裏促離筵只應便束陳蕃榻

不得同歸郭泰船。弟子香爐愁嬾送。美人瑤珮恨空捐。
早行茆店。休回首。明夜長安月更圓。

四十追述

七十古已希。四十今已至。未來尙難料。往者可歎噫。平生愛古人。少小謝流輩。詩攀子建壇。文睨相如幟。雖未吐鳳凰。尙欲驂騏驎。結交多老成。游覽盡英乂。初訪桐君廬。因出巖子瀨。五月嵐氣寒。七里灘聲大。落日滿釣臺。漁竿此高致。臨崖鬱回首。不泊爲風利。落帆蘭溪渚。結束東陽騎。浩歌八詠樓。閒尋明月寺。不見牧羊兒。亂石空山閣。問渡西興同。嫋嫋秋風桂。天姥不及登。鏡湖

蓄餘思小戰又一怯青冥塌垂翅讀書蕪城南濟濟好
兄弟歲月送瀟灑詩句鬪旂旄射圃決分曹棋局閒游
藝清談復時作酒食亦惟議間出梅花嶺蘭水修春禊
或泛虹橋月荷香載歸柁窈窕煙花深浩蕩笙歌沸良
辰盛游冶舊俗惜靡敝於時商力困公私漸不繼名士
半散亡寓公莫爲寄焉能更久居太息十年事尙想海
岱行逼迫戎馬際妖星犯紫微天狗夜墜地餘逆擁滑
臺大將專節制百城插旌麾千里警烽燧行旅多畏心
堯豫不可稅維揚亦戒嚴夜半驚鶴唳明年始殲滅宇
宙復清霽北走問長安射策干先帝星侵客路難日

近 皇都麗不經文物區焉識耳日蔽文章敢自信功
名得覲覲與宴曲江游走馬慈恩醉芙蓉艷萬人泥金
飛一使青雲不難攀白日亦易逝放蕩瀛洲春蹉跎蓬
閣秘有來十年增無補一官綴心事悵乖違常恐 明
時棄想念平居游進退苦匏繫安得同懷人寄聲豁蒙
昧

述懷七首

挽海倒沃焦回日繫扶桑此事古倘能其樂應未央生
小方短短視之欲速長一長不復短七尺何由藏百年
會須盡此理固有常未盡且努力庶以完我生

娟娟琅琅竹亭亭自孤直菖蒲來拜之敬此爲多節一
朝琅琅倒摧折委霜雪菖蒲乃悲歎相戒慎晚末馬融
足經師班固飽史筆藉梁竟何爲附竇真可惜

朝日鑒窻紙玻璃散雜采擁衾聞人語梳洗意猶怠案
有故人書未答已閱載僕夫授我轡欲出又煩殆人生
大有事焉得常自在驅鳩作巢室責牛陟崔嵬迫之必
強起拙嬾庶一改

昔聞龐德公舉世高其賢攜家鹿門隱上冢虎溪還餒
餘散賓客妻子欣欣然豈無一盂飯澆此寒食煙纏綿
結故土婉孌望遙天聞鵲增淒感食麥空涕漣傷哉宦

游人不及祖墓前

羣鳥出求食飄流無所寄一鳥本同飛毛骨復我類中
道不克偕相失在天際他鄉風雨多晚歲羽毛頓空驚
水邊影

八兄與余孿生貌絕
似照影輒如見兄

不聞雲外喚

寡姊吾最念二甥猶幼穉十指給三口灑盡燈下淚一
姊復無子白髮命如寄一姊尙強健良人只小吏思一
往顧之空屋坐歎噦自救正不暇此願恐難遂

莫難貧家婦衣食常不全提挈五六子日夜心自煎前
聞典釵珥近又衣質錢一物值幾何後日長無邊食蓼
自知苦食梅自知酸已矣勿復歎還汝人稱賢

初夏二首

熟麥光陰四月中曉寒初散午晴烘池蛙吠伴東西水
庭雀將雛上下風鱸玉魚來沽口白瀉珠櫻出上闌紅
鳳城景物江鄉似只少添栽竹萬叢

風裏醺醺雪尙飛雨餘槐柳綠全肥亂蟲墜葉收絲上
一蝶辭花護粉歸檢點齊紈啟秋篋商量越葛換春衣
陶潛正有吾廬愛山海流觀掩畫屏

游法源寺

曲廊徐步盡深隈小倚闌干啜茗杯綠定一僧栽竹罷
紅多聚蔕折花來風飄清磬禪心寂日落穹碑戰骨哀

本爲尋春寄餘興轉因弔古重徘徊

嚴氏墓圖

并序

嚴氏有墓在京師永定門外明嘉靖間葬此其裔
孫厚民^杰自南尋得其處旣修復之復爲之圖乞
詩余旣善厚民之能不忘祖因念吾杭西湖南北
兩山久成殯所守冢者往往窺其子孫孱弱私相
盜售其子孫或又從而有所利良可深痛因於此
圖寄慨焉

地官不設墓大夫人世久無兆域圖嚴子因之發哀思
南來萬里蹤樵蘇有明嘉靖三百載陌上銅駝非故都

諸陵松柏久零落此墓豈免成荆蕪一抔念遠見公意
使我感極還嗟吁君不見古邱纍纍浩無主北邙今在
西子湖牧子陟林亡石馬農人耕地拾玉魚子孫中替
失茫昧陵谷遷改遭欺誣後來孝慈生苦晚走尋麥飯
升岡墟野風蕭騷鬼奪享夜夢不告終模糊况聞薄俗
忍賣祖近有盜斫冢樹株往時鬱鬱歎行路今背割棄
人種蔬百年地死龍虎脈千人族生梟獍徒乃知古圖
有作用先王經世皆遠謨公家罔據民罔忌後世無地
安遺枯厚民之厚今已無

寄題武海桐

文彬

百尺梧桐閣二首

漁洋集載
有題汪季

角百尺梧桐閣詩今
海桐所居卽其故宅

百年汪子幽棲地先後三詩記阮翁江上數峯猶檻外

秋來疏滴自堦東新居共指韓家宅

用梧桐韓家事
謂兄弟同居

舊

事空懷角里公一宿遽廬皆逆旅知君應爲感秋風

訪君樹下坐當年無數新陰展碧天小鳳嬉風出簷際
亂花吹雪落衣前思題大葉疎疎遍看洗孫枝濯濯鮮
今日燕山俯淮水惟應飛夢北窗眠

端午日卽景二首

艾人

也如綵勝祝長春裝點初成一葉身俾爾熾昌宜保艾

若爲微賤故稱人

春秋書法微則稱人

盈腰戶服還誰媚炙手時

逢似可親且向蓬廬依仲蔚莫過蘭室傍靈均

雄黃酒

碧簪丹砂大藥同攪和還借酒爲功淺斟畧泛菖蒲綠
久注全凝琥珀紅試嘆虛空飛一雨能消毒厲殺千蟲
汨羅江上杯誰酌絕勝纏絲裹飯筒

石門觀瀑圖爲陸虹江

元煥比部

石門水簾天下雄上溪下溪千尺同來如驀坡下駿馬
落如飲澗垂長虹飛雨濺崖濕嫋嫋奔雷繞谷聲隆隆
魚龍逼迫徙宮舍草木凜冽含秋冬我昔東游憶過此

貪看不覺西日紅每當松柏下暝色獨與猿狖蹲前峯
長安山水多塵氣何曾得豁平生胸今朝眼明復一快
壁上見此雙白龍虛堂九派瀉寒雪炎天六月來陰風
恍然置我此山下終日坐對無熱容豈無黃華更奇絕
匡廬康谷尤玲瓏紅泉近出麻源外白水遠在浮山中
乾坤四海一畫本何時同駕雙煙鴻

紀禾中事

若輩自仇復公然敢肆行訛言及長吏殺氣慘孤城不
必驚談虎其如漏縱鯨由來用重典水懦易生情

引黃濟運

凡事未可幸萬一引黃濟運定何策當時慮豈不及此
果到中途行不得前船得過如過灘斷篙折緯聲怨歎
後船大半已不及停淤閣淺進退難此時船丁轉閒坐
終日只愁船欲被官來起運催捉車客載沿途多卸貨
似聞海客駕海艫笑狎巨浪輕長風一朝已過狼山鎮
七日早到碣石宮吁嗟乎往事之失不可說來日之事
猶可及明年海運莫閒過趁此一年好治河河身日高易致潰溢
而遭運往來歲無暇日曾賓谷中丞嘗擬試行海運一
二年以治河是或一策也今適有海運之議時殆不可
失矣

蝗

壞雲崩脫白日匿長安城中天忽黑但聞滿城人叫呼
有蝗南來過城北兒童入室走避藏父老出門仰太息
前飛颯沓風有聲一片壓城城欲塞後者差少如撒豆
墮落紛紛瓦溝側是時鴉鵲盡驚起來往疑神啄不得
古社枌榆困撲緣上林桃李遭啖食城中蹂躪勢猶可
君不見野外農夫淚垂臆

夏夜

長安連早暮毒熱自今年林月久初淨庭花暫復鮮露
飛螢競出風宿鳥孤懸吾亦貪光景投牀未擬眠

同舍還相問如何只鬱煩開罍薦水果移簟坐雲根月

側過牆暗星多亂眼繁明朝愁更熱虛擬雨瓢翻

題畫七首

綠波鱗鱗春水肥千頭萬頭梭擲飛東風吹絮斑漁衣
水雞不來心意微武陵日暮桃花緋竿絲裊裊驚月妃
淮陰嚴灘空是非

四山隆隆震天鼓金蛇不住搜牖戶龍姬驅龍下江浦
水氣上雲雲墨涸長風吹葉落如雨石燕將子撲人舞
菰蒲切切怨私語漁人江上搖急艣

菱花灣蓼花淑西風瑟瑟搖秋絮紉茆縛竹東西住水
口家家圈鴨闌樹頭處處懸魚具伊啞晚艣尋煙語一

點紅螢落秋渚

修蛇駛波虎鬣岩東風不繫馬脫銜白鳥沒雲追前帆
青猿窺客啼琅玕瞿塘灩澦背指看水花作龍飛鬣寒
篙師打鼓黃牛灘

風謾謾水瀾瀾絃清商管清角老猿生心伏礪磬白鶴
歸來飛數數一片虛疑無把捉紫雲夜半下雙成偷去
霓裳人不覺

男青半脫女青死四山沉醉夕陽裏不用東皇賜緋紫
銀毛夜化臙脂水西方阿姨把帚起胡蝶著砂飛不已
道旁愛煞停車子

散花仙子騎龍舞一夜人間化瑤圃山中玉女掩巖扉
水底鮫人潛海戶清寒薄人欺日暮姮娥欲來羞奪素
樵蘇不出漁膠浦征夫處處愁津渡

丙戌

移居城南僧院

南窪浮積水孤寺亂寒渠野殿春巢翠山門夜躍魚住
僧貧算屋浮客好爲居已許分東院囊錢適有餘

月

院小不留月三年閉素娥今來向空闊竟夜湧清波宿
鳥翻枝起衝魚逆浪過虛明見纖細不寐意如何

杭堇浦先生秋堂聽雨圖許青士

乃濟

給諫出

以索詩圖中七人其一卽給諫乃祖

君不見昔日錢唐老堇翁舌瀾飛捲生長風淳于東方
未語妙三耳折倒公孫龍鴻博科中擢第一玉堂才人
驚落筆承恩召入金馬門天子非常賜顏色歸來命
侶傾玉壺偶逢聽雨還寫圖堦泉細咽石溜急簷花亂
落秋燈疎其時君祖亦在坐相與爲樂樂不孤只憐才
人檢束無言語輕易心膽粗劉毅答詔薄世輩賈誼上
書非昔謨自從放廢歸西湖無復重尋燕市徒柴垛橋
前逢先子頭白已是須人扶論詩還結南屏社盛名不

在樊榭下雨散星離又幾春子孫可惜無傳人松吹堂
前一片瓦荒煙冷日誰知者夜雨流酸不可聽當時曾
作明珠瀉思量往事都難保才人之後空秋草諫臺直
節宮坊貴百年只有君家好披圖太息爲題句圖中幾
姓紛煙霧

哭譚竹坡

忠岳

孝廉

嗚咽臨危語酸然不可聞椎心念老母執手託斯文有
子憐稽紹無人似范雲京師寄靈柩須送返鄉枌

初夏卽事次韻大司農黃左田

鉞

先生二首

去夏苦憂潦田廬生黽蛙河魚多有疾澤雁尙無家西

日蒸山霧南風挾海沙卽今深旱氣何以對年華

衆論豈無識籌時各上書 朝廷廣容納今古有乘除
任事誰眞達知人諒不疎老成善持重靜默贊宸居

午坐假睡

勞勞水渾不可以再汲慊慊花病不可以再折養之不
死與休息吾心萬物此一刻槐陰日長啼鳥寂揩眼看
書手落筆龜息如絲鶴頭側儋州謫守知此適

和家蘭雪

嵩梁

舍人九里洲梅花

十年看盡長安花無有一枝枝橫斜紫微舍人忽不樂
自說花時苦憶家有家舊在洞江側春水一洲花一國

洲中九里無雜樹樹三十萬同一白橘洲千戶漢封君
桃源先世秦遺民此洲洲人亦如此至今風俗猶爲淳
我亦西湖被花惱移文未赴孤山召巢居老仙相待歸
倚窗日日南雲飛

吳氏一家稿

笏庵詩二

錢塘 吳清鵬 程九

乙酉

發京邑

十年四乞歸如鳥出輒倦時來或使之豈我自舒卷西
湖已久別魚笋素心羨暫還計亦得不待故人勸燕郊
日色晚渟沱水聲遠回首蘆溝橋金碧猶眩轉焉能遂
決絕城闕有餘戀

宿新店

朝辭上都出暮投新店宿屋小人氣多夏熱蛇蝎足旣

來且休息後至猶輾轉起問乃鄉里語久更秉燭長路
有緩急客子畏單獨今日相知新明日相見熟三更月
露白四院風樹綠失食馬嘶槽知時雞叫屋僕夫爛漫
睡門外已殷轂喚起理鞅策衆發不暇沐

趙北口

客途莽塵霧終日閉車幃趙北獨瀟灑雲水洗昏暗向
來英雄人於此事割占千載竟誰在一過如電閃旣悲
二雄民復哂公孫僭尙憶平原豪不見邯鄲豔日落蓮
花橋風來楊柳店嚶嚶早蟬鳴拍拍遠鳬泛易求湖魚
肥難得村酒醺

舊縣山道

山行無安轍畏途恒在想舊縣中夜發初入已悵惘夾
立兩壁對單容一車往泥濘浩中積星月在外朗僕夫
戒徒伴昏黑愼下上塞後燈擁隊呼前鞭警響吁嗟行
路難此道猶坦蕩輾轉當如何褻斜益多狀安得天下
途寸步削平壤

東平州

東國旱太甚焦原無寸毛千里驅車來但見蓬與蒿東
平更蕭索空閉城關高州人避歲出十戶九亡逃道旁
數老婦白髮風蕭騷亦知死不遠未絕猶呼號羣兒體

無衣索食聲嗷嗷三五攔道哭左右攀車牢濟汝非我能念之徒煎熬日暮行人稀死聲滿坑壕

汶上縣

遙城帶落日平野見十里征人如倦鳥投晚去未已稍涉汶水清還望繹山紫蟬鳴亂木間鷺下深蘆裏林香識雨過溪響知風起耳目乍無擾郊原信爲美永懷辭季人千載竟誰企境適暫得閒物累終成鄙乃知衡門棲賢者後樂此

鄒縣

東南忽異色藹然紫翠濃雲開樹木古日出殿宇重遙

知孟氏廟式車起敬恭旅途失衣冠草野焉爲容過門
不敢入下馬趨曲躬因尋博士家諸裔多古風亦復有
貧乏儒衣兼力農在賤足自貴處約何必豐鄰卜實素
願教淑徒私衷僕夫苦相促長揖遂匆匆

南沙河

齊魯山勢盡兩河沙脈散地勢使之然百里界中限水
來有定時習知僕夫慣晴冬涉瀚海潦夏泛銀漢我來
適五月一雨濟久旱漲勢初未盛尺水弄清緩探策試
揭厲濡軌越凌亂人喧落日晚馬飲中流半方慙濯纓
想已遠逝波嘆前行惟塗泥徐究自茲判

荏平見歌者

補錄前過
荏平作

驚塵吹不散野店見嬋娟馬首余何暇蛾眉汝可憐秦
淮朝吹閣吳苑晚燈船並有千金值如何只一錢

漁溝阻雨懷揚州諸兄

齊魯旱方甚徐關雨轉多衝魚逆溝水立馬避庭柯雲
暗桃源縣風連瓠子河淮揚一夜到心折對滂沱

小秦淮二首

殘日欲去吳邗溝涼煙已動隋迷樓平山舊有蜀岡道
此水亦作秦淮流楊枝柳枝歌一曲桃葉桃根歸去愁
未必渡江能勝此秣陵應號小揚州

十年杜牧揚州夢今夕重過尙有情燕粲雙飛邀落日
鳳簫四起出傾城蓮花橋泊燈齊上茉莉船來香暗生
猶道笙歌近衰歇月華須減一分明

離使曾賓谷

煥

先生招飲江氏園

山公不自貴攜客習池來老鶴馴猶舞

園有二鶴主人導之舞極有態

秋花晚獨開側看詩落帽滿把酒行盃語及征西將初
燈散馬回

送賓谷先生還京二十韻

鹽官疲舊政破格用儒臣開府經綸密三年淮海春高
門清不雜深畧靜如神容易心澄水艱難髮變銀賦詩

常念國避酒爲憂民龐統豈遺事鄭莊惟愛賓流言何
足恤嘔血始知真必顯是非理誰驚寵辱身寇公民借
久郭相召歸頻斜日催征蓋飛花送別輪有懷芻獻意
無事杞憂人淫雨秋成潦妖星夜伏辰黃河吹溟漲青
海入邊塵哀雁幾時集驕狐何日馴書生皆賈讓上將
自曹彬廷議留長策公才冠絕倫從來多感激此入便
敷陳竹簡爲誰照蘿衣未可親公有乞輜橋收禹蹟干
歸之意羽贊堯宸早晚三階正調維六幕均

又和留別之作

北望初傷別西征未解兵臨歧話多難垂老念諸生匣

劍虛衝斗囊書亂散楹無才心莫展深負丈人情

聞賓谷先生繫舟北岸同人復出走送遂游上

方寺

南關間走馬北岸尙維舟吏散故人至郊閒冷寺秋空
庭欹獨樹古井靜寒流願奉清游極無因再宿留

小金山寺

平山堂近玉鈎斜無數歌船泊藕花獨向小金山寺坐
一庭涼翠竹交加

送鄧湘臯

顯鶴

孝廉還楚

謝公忽罷鎮明月空揚州衆客已紛散今君難獨留苑

荒隋柳盡江遠楚萍流吾亦浙西往天長雲亂浮

湘臯索題其南村偶耕圖

畫裏南村地如君復可憐杜鑱思託命蘇耒憶隨肩卜
宅幾時事買山何處錢濱陽志偕隱歸亦尙無田

絡緯十二韻

絡緯生炎夏飛揚亦自嬌紅衿舒褶褶綠鬢整翹翹帶
露潛瓜蔓因風立豆苗螳螂無此媚蟋蟀忽相撩乍引
孤抽緒爭鳴亂裂綃徐低還軋軋陡急又蕭蕭靜裏疑
翻雨空邊似落潮五更猶未歇八月益無聊貧女聞俱
淚征夫感且謠憐余亦羈旅不寐徹寒宵苦厭啼金井

愁思夢綺寮迴腸轉空軸振觸一絲搖

揚州留別諸兄

分離京國三年後留住揚州五月時
稱體雪衫裁白紵
鎮心冰果出青瓷
卽看僕婢還多禮
故遣兒童來問詩
屢說南歸稍涼冷
西風無奈菊盈墀

江上送客

微雨霽空江行人候月渡東風嫋嫋生
一夜金陵路

瓜州

一夜發揚子瓜州到五更潮生江浪急
日出海雲明敗
荻依殘壘荒藤隱廢城
清時無設險隨意客帆行

夜泊金山風起移舟明日遂不及上

舊有金山約歸帆爲小留月高僧語塔風起客移舟豈
是求蓬島何須妬石尤會當登絕頂一覽盡江流

京口驛懷張晉卿

韻雲

庾部

晉卿爲京江
相國曾孫

江晚收帆地秋清過雨時暗潮通港細霽月出山遲風
度先朝相文章後代師賢孫尙局促知未返茆籬

無錫道中望惠山

潤州南下後此路絕無山愛汝九峯勢慰人千里顏同
窺一明鏡低俯幾煙鬟不厭相看久流波去莫還

山塘

許墅侵晨渡山塘向夕過綺樓斜冷日壞塔湧空波落
落商船少閒閒妓舫多笙歌太平事衰歇意如何

夜雨渡太湖尾至吳江驛

湖月沉波黑湖風起夕狂暗蘆叢港汊急雨亂帆檣
響知來艇燈明辨去塘吳江傳咫尺坐穩得無妨

塘鄣

小泊塘鄣鎮煙村亦自稠家家足菱蕩箇箇解漁舟上

市間鄉語開船散客愁熟知五九路

鄉人記里皆以九
起數如五十里則

日五
九已近武林頭

王家村訪張氏隱居

不愛入城市幽居別有村興來乘夜月舟便到柴門喚
妾開魚樵驅兒入果園感君留一宿不是爲盤飧

歸

夢裏還家啼覺後入門今夕尙驚看數年似覺羈顏換
萬事深知食口難掃壁捲簾移晚菊臨池支架護秋竿
初歸生理猶難說坐地先謀一室寬

贈沈聽篁

錄

編修

聞說沈郎初弱冠省親萬里渡臺灣靈槎秋老孤帆穩
綵服春深百島閒不爲趙佗煩遠使自言王勃得生還
於今六十豪猶甚來點蓬萊舊日班

偕聽篁孤山看梅

不知梅有信昨晚雪陰陰老鶴寄寒語孤山須一尋放

舟朝郭淨倚閣夕湖深忽忽怨遲暮海雲生遠心

聽篁言臺

灣梅花七月已開

馬要村

馬要村前日欲晡我來停舟一問途小橋人行流水外
空原雀噪禾黍餘辭鄉作客久不到風景畧記當年如
村人怪我走相看不知我本村內耕田夫中有丈人白
雪鬚彷彿識我童游初衆來就問以客呼爭邀置酒羅
盤蔬牆頭伏看動隣舍堂下趨走忙妻孥夜如何其起

復沽醉中話舊涕笑俱感此意氣不敢孤爲盡數日留
歡娛何當春山燒竹筍自就雪溪罾寒魚明朝放舟須
別去回望村樹煙模糊此身恍惚如墮夢疑是仙源事
有無

湖隄

水仙廟口亂雲鋪處士橋頭晚色初秋後寒花仍下蝶
湖邊細雨自騎驢宦游坡老重來日歸隱韓王百戰餘
獨向西泠踏陳迹古人不見渺愁余

西溪

道古橋前放曉舟溪平風細水不流
艣搖兀兀恣緩游

林楓脫霜紅滿溝野橘耀日金射眸村落差小居人稠
五里十里如堠郵泰亭山下午句留父老告余田已收
要我坐話手一甌柴門氣暖如初秋但見牛羊臥隴雞
啄疇耳聞機聲比屋相答酬回首忽驚冠壓頭可便今
日眞歸休何必定見曲陵侯

風箱篇

并序

風箱製如小厨無底右上有口高出如小斗以入
所礱之穀左下吐舌如箕以出所轉之米斗箕間
皆有斜板爲上下承卸處中有輪置上下斜板間
偏近右輪無邊廓環列小板以爲輻挽之則風生

板間糠皮自右出米自左出蓋糠質輕故得風而
隨輪右飛米質重故仍自兩板間轉卸而左出也
後人增變古制機巧日出如此者亦萬世之利矣
因賦二首識之

平生自笑不稼穡農家有器今始識木礪旣分杵臼功
風箱更替簸揚力風箱之制非古則創始何人巧莫測
上爲斗口下箕舌中有輪腸輻三十兒童教我挽運法
以穀入之以米出入穀何所同蠟蠓弄風高下春出米
何所如玉螭吐水錯落珠朝挽十斛日未已暮轉十斛
夜求子力少功多有如此我思世間何物堪比似分金

之鑑徒爲耳

東坡賦水車如蛇碯碯鴉連翩我今見之猶爲然又聞
賦秧馬秧馬之制今不傳乃知腹背非所便世間萬事
日日遷智巧爭出開機先農夫辛苦敢息肩桔槔誰肯
抱甕前苟有利賴將由焉不知後更千百年何人證我
風箱篇

和周南卿

三爨

上舍自城西移居城東二首

荒荒原畝繞南東獵獵樓臺倚朔風四野冰霜謀入室

一身書劍賸從公西陵潮打寒城急

城東近江
夜聞潮聲

南渡雲

歸古巷空

南卿所居馬坡巷
按卽宋馬婆巷

興極蒼茫人不覺少微星

隱歲方窮

流水寒畦對掩門三遷五徙不離根

余頻歲亦屢遷移近復歸故居

鳩計拙營巢室蝌蚪生繁長子孫衣食有身兼作僕文章無佛漸稱尊思君只在清漳北我比張南得枉存

送友出塞

花門烽火照邊驚莽莽天驕氣未平
先帝自收西域界中原又動朔方兵
朝看躍馬風生市夜出飛狐雪壓城
幕下賴君參碩畫諸公何日議還征

食臘八粥

冬月用僧臘八日行糜粥未知始何年
流傳漢時俗家

人循故事吾亦從衆欲臨食復自嘆一飽豈易足雨積
蕪蕪亭冰阻太行谷英雄有途窮下士况歲惡出門起
四望霜風浩漠漠閭里何蕭條禾黍久不熟我今已朝
餐焉知彼空腹愧非黔敖仁爲愛不能博庶用遺所親
一甌走雪屋

南卿宅觀梅

紅門局前花事非白洋池畔客游稀城中走訪無消息
一笑君家見綈衣

冬夜枕上偶成

夢轉稀聞街鼓過窗風淅瀝月婆娑危檐墮響鏗銀竹

孤檠含愁暗玉荷醒不復眠知老矣起思小坐奈寒何
忽來萬里無窮感雪滿天山尙枕戈

泛江

偶欲山陰去飄然一泛游遲江風逆棹遠岸雪明樓坐
久頻傾蟻寒深不下鷗本來乘興出亦擬便回舟

臺陽七月梅花圖爲聽篁題聽篁詩喜長慶體
因擬一首

西風吹滿臺陽路一片梅花秋欲素由來海國四時春
不是江城五月暮江城舊有少年生萬里思親渡海行
何遜正開官閣詠張騫已到漢槎橫綈衣一笑迎遮道

眼見繁英插晴昊海客猶談秋水篇山妃早展春風稿
夜夜銀河洗濯枝不教環珮怨來遲清寒尙帶鮫人淚
窈窕應羞織女姿清寒窈窕圍欄繞綵衣相映巡簷到
佛桑幾共促銜盃仙杏還來催插帽悔被霓裳誤早回
空勞瑤島夢頻猜鱗衣欲倩龍工往蠟蒂誰封鴈使來
生綃碧海偷春影毫端欲畫秋先冷綽約如逢姑射仙
橫斜不比羅浮境披圖我亦爲勾留不信梅花別有秋
九十九峯都在眼臥游直到海東頭

丁亥

送莊杏園

陽臺

同年之任滇南

金鯽橋邊散夕曛青蛉塞上動星文春帆送雨三湘轉
曉馬盤雲六詔分北極自高天遠監南人不反地前聞
知君滿目蒼生意未恨江波綠皺紋

西湖四墳詩

香市纔交二月辰村村婦女走紅褰逢人便問棲霞路
道向祠前拜岳墳

絮雪梨雲暗不分西泠橋畔水沄沄游人未識前朝誤
杯酒來澆小小墳

裏外雙湖夾鏡分玉簫金管去如雲梅花落盡無人到
寂寞孤山處士墳

南屏一杵晚鐘聞無數歸船散夕曛說與同游還結伴
今宵祈夢到于墳

野寺

古殿深松逕禪房靜竹扉寺貧僧意嬾春冷客游稀獨
鳥窺花蕊羣魚曳水衣歸休候暄暖來往亦無違

荒谷

路細通山石林深覆野篁亂花開廢塚孤鳥下寒塘牧
迹緣溪盡樵聲隔嶺長平生愛岑寂此地太幽荒

湖隄

生意仲春滿西冷足散愁野花低掠燕湖水遠明鷗躍

馬誰家子呼魚上酒樓紛紛自年少應未耐清游

送蔣蔣村炯之楚

西湖逢蔣詡幾日其招尋清切通詩理真醇送古襟出
山泉不住舞市鶴何心更欲天南去離愁感我深

登望江門城樓

寒城獨上倚高空送目江流直下東影動越山青杳杳
氣浮滄海白濛濛楚王塔擁孤雲外估客帆來落日中
猶憶泊舟揚子渡地形風景畧相同

聞孟賓之

希嘉

尙在吳門卽日歸蜀

風流誰似孟夫子跌宕江湖白髮生詩思何張三水部

于孟賓

交情元杜一雲卿

孟雲卿

近聞寄食吳閶市苦說思

歸蜀錦城子未可來吾欲往少留莫便挂帆行

留下村

鳴鳩乳燕語飛翻桑葉陰稀豆葉繁縣吏不來雞犬靜
正逢三月閉蠶門

上冢

山南山北紙錢灰上冢歸來日未頽漫把餽餘留客醉
有人疑是虎溪回

蔣樓

綠陽陰裏散歸農安樂山前已晚鐘閒坐蔣樓看月上

漸高七十二賢峯

春晚散步至南鄰

鳴鳩樹外喚耕催
語燕檐前哺子回
池水漾晴初化絮
徑泥蒸潤欲生苔
晚春天氣宜扶杖
小市人家得縱盃
爲就鄰翁成一笑
故穿花裏過村來

夏日村居

抱山一曲碧溪斜
長夏閒居此卜家
地僻已知人事少
年豐能使客懷嘉
千車轉雪村纔繅
繭百鼓鳴雷社採
茶眞見太平同樂
業微生何有復愁
嗟

屠琴塢

傳

前輩招飲席間出一蚌如瓢中有珠

作牟尼狀云令真州時所得先夕有佛降夢若
導之使迎者余不敢信竊以介蟲離屬得水爲
坎凡螺貝蚌蛤之屬咸有文采此蚌胎孕之奇
特異於常衆者耳戲請爲飲具不許因簡此詩
櫝中朽甲知吉凶未信庖犧六一翁矧能稽首談虛空
大哉妙物胚結融坎爲水德離介蟲日月吐納寫百容
波濤出沒藏千蹤文具散錦奪綺叢石蚌著花欺春工
蠓房九孔開玲瓏蜃氣噓吸爲化宮剖蛤或現菩薩同
我笑木華與張融賦海不道徒爲雄丈人莫信妖夢踐
彼教何得參元功銅荷燒燭夜吐虹今夕一失後難逢

此蚌正作鸚螺紅瓢飲絕勝玻璃鍾觴政有舉令必從
佛如有靈作神通使我百罰醉此眞珠濃

游鳳凰山夜宿山寺

鳳山何年鳳飛去我笑問山山不謾山頭白雲若招我
四十腰腳猶自矜不遠亭前縱步入風挾兩腋虛淩兢
入天一嶺鎖鈎帶拔地千幃森峻嶒慈雲嶺名小憩纔及

腹坐看江色來西陵想見惠連遇風處遺跡湮滅今誰
稱迴身東望益秀絕兩湖夾鏡涵清澄行人稍度六橋
去樹杪山沒如猱升茲游發興初未已半途而止諒不
能藤攀葛挽遂造頂入門迎問驚山僧僧言住持二十

載客有來此見未曾此山佳處豈悉數欄杆十二皆可
凭請君放眼要自得但勿懷古酸悽增向晚時驚下鸞
鶴當暑且喜無蚊蠅旋煩煮茗供宵話已復呼粥催晨
興山家淨土我塵服知欲久住終無惡城中有事且歸
去待暇更踏三千層

蔡木龕幽居

山人愛潔耽奇癖流水柴門隱士家一徑修篁疑有鶴
滿庭異草不栽花綠簑冒雨尋常濕白石眠雲自在斜
慚愧對君何所似王孫珩玉厭蠶譚

木龕山人庭下有草數十種皆未知名者一葉

大如掌色潔白可愛一有果如青螺最奇

曾聞瑤圃多奇草謫向君家此滿庭
葉大有紋仙掌白果高如髻佛頭青
東瀛羽客心應識西竺胡僧眼豈經
擬乞歸栽知未許靈根合傍野人局

北山

湖山非一路近北此幽行石壁含雲細
沙溪受水清游魚疑藻影歸鶴喜松聲
尙欲南峯去冥冥暮靄生

獨游

獨游無伴侶歸晚欲迷程遠樹得雲氣
空山聞水聲樵夫談世事浣女解人情
爲問前村路頻頻指我行

石屋洞遇雨

意行無定所遇勝輒自適偶尋麥嶺過遂得石屋息朱
炎隱崖谷秋氣逼苔石暑月可暫到陰洞苦下濕驟雨
時欲來涼風吹愈急千山卷旗旆萬澗鳴箏瑟勢駭初
可怕景奇亦足悅疾走得避陵清餓愁立壁待霽時已
暮就徑路愈黑危行多窘步濕衣有寒色我出本游樂
遭此一挫折得毋書生腳妄插漁樵席迴溪小橋渡疎
林遠燈出燎衣倘許借饋漿未敢必

宿民家岳姓步月至水樂洞

歸晚忽不及栖栖阻城關叩門深竹裏重荷主人賢問

之乃忠裔起敬重周旋爲我具炊飯山蔬勝腥羶霽月
時已上聊復散步前疏林墮清影流泉瀉哀絃却尋水
樂洞正對月輪山俯仰宋遺跡夜色何淒然當時殿司
軍散去如秋煙至今宿衛地屯雲滿岡阡空餘昔遺民
來此誅茅營主人正候門風露難久延且收千古淚就
穩一夕眠

喜聞官軍克復四城

捷書昨報楊無敵追賊風生萬馬間破竹勢驚翻絕塞
落梅聲喜過陽關四城嚴解同時復一將功成不日還
直度陰山乘勝入待歸洗甲慰天顏

謝友人惠青精飯

曾聞漆葉青黏散
益智開神授華陀
今日玉盤蒙遠餉
不須服食乞樊阿

江亭遲客

高雲下雲雨不收
前水後水風促流
漠漠寒江少帆影
時間一笛下漁舟

小朱橋

鴈轉灘聲細燈明岸勢遙
將游富春渚暫泊小朱橋
江鳥驚山月船人語夜潮
今宵有仙夢百里若爲招

宿靈隱寺

亂山銜月影微殘小閣驚風夢未安春枕濤聲終夜急
逼燈嵐氣早秋寒已無海日吟僧衲猶有花香繞佛壇
晨起欲求泉試汲一杯還恐洗心難

寺有洗心泉

登六和塔

青天濛濛一筆插憶昔歸舟初指塔雲長水遠望不到

萬兀千搆愁觸窺

抗諺云望見六和塔搖斷鰐骨窺

泊舟入城百事牽

終朝兩腳無時閒豈期今日得一適絕頂還來看江色
俯身下見飛鳥度回首正與羣山搢頭風颯颯吹雨寒
袖影飄飄落江急是時海潮東未起越山西去青未已
雲垂野濶知何處日落江清見百里亂帆翼翼富春來

有似寒鴉渡秋水

富春山行二首

落帆當水驛引策得山程去遠逢樵問游深舍馬行亂
松眠白兔修竹語紅鸚元圃人間世何須羨玉京
覆草薿薿暗升雲圍圍微日斜初倦杖風冷欲添衣巖
子魚應美桐君藥正肥明朝向前路仙隱不余違

嚴江泛舟

老漁招我上輕舸隨意沿洄不自操七里灘鳴爭晚急
雙臺雲擁並秋高勝游憶昔曾三到衰鬢悲今已二毛
自問不應名利客一竿終伴老波濤

懷端木鶴田國瑚王蘅香朝桂兩廣文端木在

湖州王在台州

四門博士坐無徒太學先生道久孤新學自成佳子弟
古型誰識舊師儒花時春熟烏程酒雨後秋開雁宕圖
猶有兩州堪樂事閒來分寄老夫無

東坡有謝周邠寄雁宕圖詩

寄題顧子柔嘉則蘭修館

我友宣城顧子柔山中築室號蘭修如何此有屈原宅
意似欲無謝眺樓密爾善人誰與處苾乎君子定來游
昨來秋水思乘便悔轉嚴灘一夜舟

早起

萬瓦吐朝氣衆色初可視中庭理余髮浩然風露襄落
月時墮煙流雲欲爲水二儀無端倪羣動尙安止渾乎
化機元妙足清靜理崇覽若有得俯玩咸可喜焉能判
升降固已寓伏倚翻翻鳥出林的的魚散沚飛躍一相
失氛垢自茲始如何平居時懶眠猶未起